

Ղարաբաղեան Շարժման Կեղծ ժամանակագրութիւնը

ԳԵՒՈՐԳ ԽՈՒՂԻՆԵԱՆ

Ներկայումս Արցախի օգտին մեր քարոզչութիւնը տարում է ոչ թէ պետական մակարդակով, այլ առանձին անհատների ու կուսակցութիւնների ջանքերի շնորհիւ: Անշուշտ, դա վերջին տարիներին մեր թանկագին ժամանակը միտինգներում սպառած «համազգային շարժման» հեռատես ջաղաքականութեան արդիւնքն է, որը Ղարաբաղի դարաւոր գոյամարտը շեղեց իր ազգային ակունքներից եւ Հայաստանն ու Արցախը դարձրեց ՄԱՀՄ դեմոկրատական շարժման փորձադաշտը: Այդ ջաղաքականութեան ամենադառը պտուղները հայութիւնը ըստիպում էր ճաշակել 1991ի Ապրիլ-Յունիսին: Դարերով մեր հոգեբանութեան մէջ նստած է նոր գաղափարի համար առաջինը նահատակուելու պատրաստակամութիւնը, եւ այդ պատճառով մինչեւ վերջ չենք ըմբռնում Ապրիլ-Յունիսեան մղձաւանջի բոլոր պատճառները՝ երբ իր հոգեվարքն ապրող խորհրդային կայսրութեան զօրքերը իրար հետեւից դատարկում էին Արցախի հայկական գիւղերը, իսկ մեր հանրապետութեան ղեկավարութիւնը յոխորտալից, բայց անուժ կեցուածքով անելի էր գրգռում վիրատուր գազանին եւ դատարկ դիմումներ ուղղում աշխարհի բոլոր մեծերին: Անցաւ եւ այդ փուլը: Ամբողջատիրութեան հրէշը, թում է, թէ սատկեց, թողնելով Արցախում 24ից անելի աներուած հայկական գիւղեր: Ադրբեջանի ղեկավարութիւնը հաշուենկատ քայլերով՝ Մոսկւային իր հաւատարմութիւնը յայտնելով եւ Հայաստանը ղեկավարող ջաղաքական դիւետանտների սխալներից օգտուելով կարողացաւ պոկել իր բաժինը, իսկ Օգոստոսեան դէպքերից յետոյ այժմ արդէն դեմոկրատական ըզզեստներ հագնելու տենդագին փորձեր է անում: Անշուշտ, Ադրբեջանը մեր ղեկավարութեանը ջաղաքական ճկունութեան լաւ դասեր տուեց եւ ապացուցեց, որ Մութալիբովի «կոմունիստական» կոչուող վարչակարգը իր էութեամբ անելի ազգային է, քան դարաբաղցիների «յաւելեալ արեան» գնով յաւելեալ աթոռներ զբաղեցրած «համազգային շարժում»ը:

Դրա վառ վկայութիւնն է ԼՂԽՄի տխրաշուք կազմկոմիտէի կողմից 1990 թուականին հրատարակուած «ԼՂԽՄի ժամանակագրութիւնը. Փետրուար 1988-Փետրուար 1990» գրքոյկը: Անմիջապէս կարելի է նկատել նրա հեղինակների շքողարկուած ձգտումը՝ իրենց տեսակէտները յարմարեցնել պետական ջաղաքականութեան սկզբունքներին, Մոսկուայի՝ Արցախի հարցում գրաւած դիրքորոշման ելակէտային դրոշմներին եւ

դրանց միջոցով հարուած հասցնել Արցախի օգտին տարուող քարոզչութեանը: Այս նպատակով նրանք փորձում են իրենց ներկայացնել որպէս գոյութիւն ունեցող կարգերի ջերմ կողմնակիցներ, իսկ հայերին՝ անհաշտ հակառակորդներ:

Ժամանակագրութիւնը սկսում է պատմական մի տեղեկանքով, ուր բերում են Արցախի պատմութեանը վերաբերուող մի քանի կցկտուր փաստեր: Ղարաբաղեան խնդրի քննարկումը Կավքիւրոյի կողմից 1921 թուականին հեղինակների կարծիքով «...ունեցել է իսկապէս դեմոկրատական բնոյթ: Հարցի լուծումը չի հանդիսացել ինչ-որ սուբիեկտի տեսակէտների կամ էլ կողքից կատարուած ճնշման հետեւանք»: Ադրբեջանը հասկանալի պատճառներով փորձում է ապացուցել Կավքիւրոյի կամայական որոշման օրինակակութիւնը: Սակայն ներկայումս, երբ կոմկուսը հեռացուած է իշխանութիւնից, Հայաստանի կառավարութիւնը իրաւական բոլոր հիմքերն ունի շճանաչելու ոչ-սահմանադրական այս ակտը եւ պահանջելու Արցախի կարգավիճակի փոփոխումը:

Կեղծագրի հեղինակները մի քանի կցկտուր փաստերի միջոցով փորձում են ապացուցել, թէ իբր ԼՂԽՄը խորհրդային կարգերի օրօք հասել է զարգացման անելի բարձր մակարդակի, քան Ադրբեջանի կամ Հայաստանի որեւէ այլ շրջան, իսկ մարզում եղած թերութիւնները սոսկ վարչա-հրամայական համակարգի հետեւանքն են: Այստեղից բխում է նրանց հիմնական թեզը՝ Ղարաբաղեան շարժումը օրինաչափ ու անխուսափելի երեւոյթ չէ, այլ ներմուծուել է դրսից՝ հայ ազգայնականների կողմից, որոնք առաջինը ձեռք բարձրացրին ադրբեջանական ժողովրդի դէմ, եւ առաջին զոհերն էլ եղան Ստեփանակերտ-Աղդամ ճանապարհին սպանուած երկու ադրբեջանցիները: Պատճառա-հետեւանքային այսպիսի կապը անտեղեկ ընթերցողի աչքում փոխում է զոհի ու մարդասպանի տեղերը եւ արդարացնում հայ բնակչութեան նկատմամբ իրականացուած բռնութիւնները: Հետագայ շարադրանքի ընթերցումը ցոյց է տալիս, որ գրքոյկի հեղինակները իրենց ձեռքի տակ եղած փաստերը վերցրել են պետական-գութեան կոմիտէի հաշուետուութիւններից: Շարադրանքի բնոյթն անգամ յիշեցնում է այդ կազմակերպութեան ծանօթ ձեռագիրը՝ իրար են յաջորդում 1988-1989ի դէպքերի վերաբերեալ լրտեսական բնոյթի տեղեկութիւնները: Կարդալով անելի քան երկու տարուայ հերոսական եւ անհաւասար պայ-

քարի այս ժամանակագրութիւնը, օրինաչափօրէն կարելի է հարց տալ ադրբեջանական կողմին. իսկ ինչո՞ւ համար էին Ղարաբաղի հայերը այդպիսի ինքնագոհութիւնների գնում՝ ամիսներով գործադուլներ անում, երթեր ու ցոյցեր կազմակերպում, պաշտպանում իրենց օջախները, անվախ կերպով դուրս գալիս մինչեւ ատամները զինուած բանակի դէմ: Ադրբեջանական կեղծարարները դա բացատրում են սոսկ սեպարատիստների, նացիոնալիստների, կարիերիստների եւ լարուածութեան պայմաններում իրենց «ամբիցիոզ» պլաններն իրականացնող արկածախնդիրների գործողութիւններով: Սակայն այդ գործողութիւններն այնքան բազմաթիւ ու զանգուածային են, որ ստացում է, թէ Արցախի ողջ հայ բնակչութիւնը բաղկացած է նման մարդկանցից: Այդ պատճառով էլ անկողմնակալ ընթերցողը ծանօթանալով բրոշիւրին կամ կ'ընկնի խոր տարակուսանքի մէջ (եթէ նա անտեղեկ անձնատրութիւն է) կամ էլ արագօրէն կը հասկանայ այս կեղծագրի միտումնաւոր բնոյթը: Անշուշտ, կազմկոմիտէի հրատարակած գրքոյկը արդէն հնացած է եւ ներկայումս չի համապատասխանում դիմակափոխութեան հանդէտով տարուած Ադրբեջանի ղեկավարութեան նոր պլաններին: Բայց ինչ էլ որ լինի, շնայած նրան, որ փոխում են Ադրբեջանի ջաղաքականութեան առանձին կողմերը, սակայն անփոփոխ է մնում վերջնական նպատակը՝ Արցախի հայաթափումը: Եւ համոզուած ենք, որ այդ նպատակի իրականացման համար պայքարի էստաֆետը կոմունիստական Ադրբեջանից իր ձեռքը կը վերցնի «դեմոկրատական» Ադրբեջանը, որի յաղթանակի հետ շարունակում են յոյսեր կապել համազգային աթոռասիրական շարժման մեր այնքան դեմոկրատ առաջնորդները:

